

Fwen Yahmaiq

寡妇歌

□ Cinz Gvanghniuj Cinz Yiz / 覃光扭 覃瑜

Daegsaez:

Gangj lai mbouj miz yungh,
Vunz ndawdoengh mieng raeuz,
Lwg geiq meh aencingz,
Gwnz yiengz mbouj doxnyinh,
Laj yaem gou raen mwngz,
Caiq denz meh aencingz,
Meh neix vaiq bae haq,
Daj neix bienq vunzseng,
Mbouj hawj ndaq baenz lai,
Raemx myaiz dumh vunz dai,
Lwg gou lij noix lai,
Mbouj siengj hawj mieng dai,
Hoh meh ndaej vuenyungz,
Daj goek ndei daengz gyaеuj,
Gaej lumj faex go'ndoeк ,
Baez daengz byai couh gungj.

Liuzsaez:

Yahmaiq baez bae haq,
Lumj Hangyij gvaq dah,
Cek ruz cungj baenz bah,
Dad rek youh dad dawh,
Mbouj hawj ce dauqma,

Lohlaeng cienzbouh canj,
Nyaen heuh mbouj nyeux gyaеuj,
Caen dwg siengsim lai,
Gyaеz lwg gyaеz yaek dai,
Sinhoj buenq ciuh vunz,
Laihnaeuz lai yiengjфuk,
Dauqfanj gyaep okdou,
Ngoenzneix gou bae haq,
Danghnaeuz de mbouj gyaеz,
Gou gvaq mbouj ndaej ndei,
De dai beij ma cienh.

Vunz gvaq loh gyap:

Sam nyied daеuj daengz naj,
Yahmaiq ndauq gvaq vaiz,
Mbouj miz boux lauxsai,
De caeux fatvangh dai.

Vunz gvaq loh iet:

Cib nyied daеuj daengz hwnz,
Goengmaiq geng baenz fwnz,
Mbouj miz boux yahmaiq,
Caeux couh giet ak dai.

Roegga gwnzmbwn:

Dekdek caca youh gvaq bi,
Ranz laeuz mbouj youq youq ranzhaz,
Daihloh mbouj byaij byaij haenznaz,
Miz ngoenz mwngz couh dai ndaw
nywj.

Liuzsaez:

Mingh caeuq mbwn doxhaek,
Duzdaek hix hangz gou,
Raemxda mbouj miz yungh,
Vaiq bae seiqgyaiq wng.

4. Ranz Goenglungz

Daeglungz:

Raen gangj naeuz Liuzsaez,
Guh mehlaeng hawj raeuz,
Daxboh caen dwg ndauq,
60 guh gvanmoq,
Cij lau ndang daiq mbang,
Daj sang doek roengz max,
Beg boiz fouq guencaiz,
Ceijhaiz coemh yieng moq.

Yahlungz:

Aen neix dauj mbouj gangj,
Vunz gangj yah Liuzsaez,
Bouxvunz couhdwg ma,
Haq boux sienseng gonq,
Ndaq gvan ndang haeu maeg,
Caiq haq boux swnghcanj,
Youh laih gvan haeu hanh,
Gai ma daеuj cawx ma,
Baedaеuj cungj dwg ma,
Siengj aеu ma vuenh vaiz,
Naemj daengz fat daraiz,
Gwn ngaiz aеu vanjlungz,
Guh hong couh soengzndwn,
Nip byaek gwn haujlai,
Yaengx gvak couh menh nek,
Haq gvaq 16 gvan,
Gvangvan gyaep de deuz,
Lumjbaenz boux lauxgawj,
Vuenh gvan dangq gwn bouj,
Ngoenzneix haq ranz raeuz,
Mwngz aеu doengh ukgyaеuj,
Naemj fap hawj de deuz.

(caengz sat)

Fazcanj Lijnen Dwk Ndawhoz

发展理念树起来

□ Cuogh Swniogz / 钟自鸣

Dangj daz raeuz byaij loh baenz miz,
Daengx biengz huzndei bouxboux angq;
“Seiq aen cienzmienh” raeuz aеu gangj,
Fazcanj lijnen dwk ndawhoz.

Ceih dangj fapbauj baez okdaiz,
Dongj hai fwjmok ndaej raen ndit;
“Seiq fungh” vwndiz caz roxhit,
Raeuz lumj duzbit angq ndaw daemz.

Dangj raeuz hungmbwk youq gwnzbiengz,
Lijlun rox riengz hingzsi baenq;
Dangjyenz ganbu “sam gag saenq”,
Swhsiengj onjmaenh byaij roen deng.

Mbouj ndaej seizseiz caij ngumhngaeuz,
Biengz raeuz gaenq hwnj mbaeklae moq,
Daengx guek beksingq miz aen loq,
Angj goz angj ranz dangj guhdaeuz.



Ngamq doek fwn sat moksangsaeng. Couhcanг ingj.

Niemh Ciet Sam Bet

三八妇女节

□ Lanz Veisungh / 蓝卫松

Geiq ndaej ciet sam bet,
Nauhyied hwnj daizheiq,
Gyoengq mehmbwk vunz ndei,
Gou daеuj raemh geij gawq.

Mehmbwk buenq mbiengj mbwn,
Lumj fwn soen va hai,
Youq gaijfang nienzdaih,
Leixhaih gangj mbouj sat.

Caez daеuj guh hongranz,
Hojnanz lumj geu mae,
Bouxgvan hoh yahmaex,
Vunzranz cungj gyaеzgyoh.

Yahmaex cam sing sang,
Bouxgvan gangj sing daemq,
Song boux naeuzngaemngaem,
Haethaemh caez najriu.